

入道

死生催輪迴迫沒休期向迷津苦海爭馳會逢聖代眞仙垂教
度羣迷頓然喚覺夢淨生疎遠輕肥頭如蓬面如垢情如醉
貌如癡處閒閒窮究幽微嘉祥得也料應塵世少人知靈風飄
蕩靜乾坤月照華夷

朝中措

拋俗

宦途好似水東流得失幾時休選甚王侯黎庶無常限到難留
爭如解放名韉鎖且免了閒愁異日三丹結正攜雲卻訪瀛
洲

道藏輯要

草堂集

大 昇集七

和孫圓明先生韻

頓拋塵世事無涯知命度年華占斷草堂風月恬然欲對誰誇
平生據我無拘束寶鼎養丹砂直待功成九轉飄遊海上人
家

訴衷情

九日

重陽嘉節興尤深勝賞一登臨天闊水清山秀霜葉墜疎林
增雅趣助微吟息塵襟壺觴滿泛清韻重彈誰是知音

繼古韻

瑞雲深處是仙家高枕臥烟霞調引箇中物象玉兔配烏鴉